


TUMELO

 Eupša o swanetše go šomiša tumelo ka go Modimo, go e dira e šome. O a bona? Kafao o na le tsogo ya gago ka gare ga gago. Tsogo ya gago e robetše ka gare ga gago, ka gare ga moya wa gago.

² Bjale, le a tseba, ge Jesu a be a ehwa godimo ga sefapano, “Soulo ya Gagwe e theogetše ka heleng go rerela disoulo tše di bego di le ka kgolegong, tšeo di sego tša sokologa ka go matšatši a pelotelele a Noage.” Mmele wa Gagwe o ile ka lebitleng. Eupša, pele ga ge A ehwa, O neetše Moya wa Gagwe ka diatleng tša Modimo. Ka seatleng. . . “Ka diatleng tša Gago ke neela Moya wa Ka.” Kafao, le a bona, Moya wa Gagwe o ile go Modimo; soulo ya Gagwe e ile heleng; mmele wa Gagwe o ile lebitleng.

³ Bjale, Moya wola o bego o le ka go Yena e be e le Moya wa Modimo. “Moya wola, dinakong tša kgale mekgwa ya go fapana, bapofeta ba ba tloditšwego, go tliša Molaetša go batho; ka matšatšing a mafelelo, ka Kriste; gomme bjale, ka matšatšing a fa, ka Ebangedi.” Bjale, ge re amogela Kriste ka pelong ya rena, go sohle re se hlokago. Go na le Bophelo bjo Bosafelego.

⁴ Bjale, Kriste o be a ka se kgone go tla morago go fihla matšatši a mararo a phethagaditšwe. Gobane, Moya wa Gagwe o be o le ka morago ga sekerini, bjalo ka lepheko, ka mokgwa wo, gore A se kgone go tshela lepheko leo, ka gore e be e Lentšu le le boletšwego la Modimo, gore, “O be a swanetše go robala ka lebitleng matšatši a mararo le mašego a mararo.” Bjale, O be a ka se kgone go tla morago pele ga ge matšatši a mararo le mašego a fedile. Ka gona ge matšatši a mararo le mašego a fedile, Moya wa Gagwe o ile wa tlemollwa. O ile thwi go soulo ya Gagwe, gomme soulo ya Gagwe e tlile morago go topela mmele godimo, le go phethagatša seo A se boletšego. “Ke ne maatla go bea bophelo bja Ka fase. Ke ne maatla go bo tšeela godimo gape. Ke ne maatla.”

⁵ Bjale, yo mongwe le yo mongwe wa lena o na le maatla, tsela ya go swana, gobane le barwa le barwedi ba Modimo. Gomme wona Moya wo o lego ka go lena, mosong wo, Moya wo Mokgethwa o lego ka go lena mosong wo, Moya wo Mokgethwa wo o swanago o tla le tsošetša godimo. Kafao, o ne maatla a go itsoša wenamong morago godimo.

⁶ Ge o ehwa, soulo ya gago e tla ya ka go—go. . .ka tlase ga aletara ya Modimo, e sego ka go. . .thwi ka go Bogona bja Modimo. Bjale, moya wa gago o tla ya go Modimo, eupša o ka se kgone go boa morago. Elelwang, ka Beibeleng, E boletše moya. . . “Memoya ka tlase ga aletara, e a lla, ‘Morena, botelele bjo bokae, botelele bjo bokae?’” Gomme ga se ba kgone go boa go fihla Mangwalo a phethagala, gomme, bjalo ka Kriste, ga se

a kgone go boa go fihla Mangwalo a phethagala. Ka gona, ka morago ga, tšohle tšeo di dirilwe, tlaišego yohle e fedile, gomme baena ba tlaišegile dilo tša go swana, goba re tlaišegile go swana le ge ba tlaišegile, le go ya pele; gona, ka letšatši leo, o tla tseba tlwa mo o bolokilwego, moya wa gago o tla lokollwa go tloga go Modimo gomme o tla tla go soulo ya gago.

⁷ Bjale, soulo ke karolo yela ya gago ye e tsebago le go kwešiša, bohlae bja gago. Le elelwa pono ye ke bilego nayo e sego telele go fetile, goba go fetolelwa go gonnyane, ke ile ka lefelong le go bona batho bale? [Phuthego e re, “Amene.”—Mor.] Bjale, moya wa gago o tla tla morago go mmele wola, gomme woo—woo mohuta wa mmele, soulo, e lego mmele wo o sa swanelwego gore o je le go ya pele. “Ge mokutwana wo wa lefase o phušulwa, re na le wo mongwe o šetše o letile,” mmele wa legodimo. Gomme ka moya woo, le soulo yela le mmele wola wa legodimo, o tla tsošetša godimo gape mmele wo wa tlhago bakeng sa Mileniamo o mogolo wola. Le a bona? O ne maatla ka go wena bjale, go dira seo, bjale. Eupša, maatla ao o na go nao ka go wena bjale, a ka kgona go dira lefase le leswa. Modimo ga a na le a mannyane, mafelo a go fokola; le a magolo, a boima mafelo ao a na go le maatla. Go kgwatha go gonnyanyane gannyane ga Modimo ke go kgonatšohle, le a bona, go kgwatha go gonnyanyane gannyane ga Modimo. Kafao, le a tseba.

Kafao ke leka go le tsenya ka go tumelo bjale.

⁸ O a tseba gore se sengwe se diregile go wena, bjalo ka Mokriste. A le a tseba? [Phuthego e re, “Amene.”—Mor.] O be o tlwaetše go otlela fase *mo* ka seretseng, ka seretse sohle le sebe, le go nwa, le go kempola, le—le dilo tša lefase. Gabotse, ka pele go o dumetše gore Kriste o go lebaletše dibe, o phagamile ka godimo ga dilo tšeo. Bjale o otlela godimo *mo*, le a bona, bokagodimo ga tšohle tša sona. Gobaneng? Ka gore o a dumela gore o Mokriste. Ka gona ge o amogetše Kriste, gomme Moya wo Mokgethwa o tlile go wena, ka gona o na le tumelo ka go Moya wo Mokgethwa, wo o go fago maatla go otlela ka godimo ga mohuta woo wa bophelo bja sebe.

⁹ Gabotse, bjale, selo se nnoši o swanetšego go se dira, go otlella godimodimo go ya ka go pholo, e no ba le tumelo ya go fetišiša, e no—e no tšwelapele go e kgorometša ntle. Le a bona? Gomme o fao. Bjale ka gona o a babja, gomme ga o Mokriste, eba Mokriste thwi bjale, gore maatla a le a go fodiša a tla tla ka go wena, ka go ba Mokriste. Gomme go tla go fa tumelo go otlela ka godimo ga sebe. Go tla go fa tumelo. Gomme se sengwe le se sengwe o se hlokago, ka go leeto le, se thwi ka go wena bjale. Gomme selo se nnoši o swanetšego go se dira ke go ba le tumelo ka go Modimo, ye e kgorometšego dilo tše botse tšela ka ntle ga gago, tše di lego ka go wena, ka Moya wo Mokgethwa. Le kwešiša gabotse bjale? Le e hweditše? [Phuthego e re, “Amene.”—Mor.]

10 Ke a dumela Billy o mpoditše, bošego bja go feta, o mpeditše gomme a re, “Tlaa ka gare, mosong wo, ka go ikgetha bakeng sa motho yo motee tlaa, ka go nagana re na le ditirelo beke ye, tša Mahuto a le a Šupa.” Gomme ba tlišitše ngwana wa go babja, ke a dumela. Gomme ge o le fa bjale, mohlomphegi, elelwa, o ka se kgone. . . Ya gago—ya gago tumelo e tla swanelwa ke go yela ngwana yola, ge e le—ge e le yo monnyane, segotlane ngwana.

11 Eupša bjale a ke tšee Lengwalo le lengwe, ge go lokile, nakwana feela. [Ngwanešu Neville o a araba, “Eya pele, ngwanešu. Amene.”—Mor.]

12 Elelwang feela, bjale, ka go Diebangedi, re bala godimo ka go tema ya 16, ke a dumela, ya Ditiro, fao Paulo le Silase ba bego ba le ka kgolegong bošego bjo bongwe. Ba be ba iteilwe ka gore ba lelekile moya wa diabolo go tšwa go mosetsana wa go bolelela mahlatse. Gomme e be e le. . . Gomme, yena, beng ba gagwe ba ile ba befelwa ka yona. Gomme ba ba itia, ba ba bea ka kgolegong ya ka garegare. Gomme ge ba dirile seo, ge Paulo le Silase ba be ba sa rapela, gomme Modimo o ile a romela tšhišinyego ya lefase le go šišinyetša kgolego fase.

13 Moletakgolego wa Filipi, ka go ba letona, leo, go lahlelegelwa ke ba gagwe—gagwe bagolegwa, e be e swanetše go ba bophelo bja gagwe mong gomme o be a swanetše go lefa bakeng sa bagolegwa. O ile a goga tšhoša ya gagwe gomme o be a eya go ipolaya, ge Paulo a kitimetše pele le go re, “O se ke wa itira bošula. Rena bohle re gona mo.”

14 Gomme letona le bile, le re, go nagana ba be ba bile le Paulo le ba bangwe. Ba ka no ba ba opetše dipina. Ba ka no ba ba pakile, goba ba dirile se sengwe. Eupša, e ka ba eng e bilego yona, ba tsebile gore ba be ba le banna ba bakgethwa. Ba a tseba go be go le phapano ye e itšego ka banna bao. Ka gore, ka bjako, o botšišitše, “Ke swanetše go dira eng gore ke phološwe? Ke swanetše go dira eng gore ke phološwe?”

15 Bjale, Paulo o rile, “Dumela go Morena Jesu Kriste, gomme wena le ntlo ya gago le tla phološwa.”

16 Gabotse, bjale, ge go dumela go Morena Jesu Kriste. . . Seo ga se re gore phološo ya *gagwe* e be e tla phološa ntlo. Eupša ge a na le tumelo ya go lekanela ka go Modimo bakeng sa phološo ya gagwe mong, a ka kgona go ba le tumelo ya go swana bakeng sa ntlo ya gagwe. Gomme ntlo ya gagwe e tla swanela go tla ka gare, le a bona, selo sa go swana.

17 Go swana le ge Jobo a dirile, bjalo ka ge ke boletše bošego bjo bongwe, tlase ka Georgia, ka kopanong. Ke rile, “Jobo, o rile, ‘Bjale, ga ke tsebe bana ba ka ba dirile sebe, eupša go ka reng ge ba sentše?’” Gomme Jobo o bile le selo se tee go dira, go ba moloki, e be e le, go neela moneelo wa go tshungwa. O rile o be a tla neela moneelo wa go tshungwa, ge bana ba gagwe ba be ba dirile sebe, gona ba be ba tla lebalelwa sebe sa bona.

Gomme e be e le selo se sebotse gore tate o se dirile. Yoo ke tate wa go nagana gabotse. Re hloka bontši bja botate ba mohuta woo lehono. Gomme Jobo o neetše moneelo wa go tshungwa. Fao ke pele masetlapelo a tsena ka gare.

¹⁸ Eupša ge bana ba gagwe ba bolailwe bohle, le dinku tša gagwe di fedišitšwe tšohle, le tšohle a bego a na le tšona, di tšerwe, o be a dutše sethobolong ka morago ga ntlo ya gagwe, a ingwaya yena mong ka seripa sa mokgokgothi.

¹⁹ A le etše hloko, ka morago ga matšatši a masetlapelo a gagwe, ge Modimo a thomile go bušetša gape? Mo a bego a ne mehlape ye dikete tše lesome, le go ya pele, O bušeditše go menagane. O menagantše dinku, le go menaganya se sengwe le se sengwe. Eupša a le etše hloko? Gomme Modimo o file Jobo bana ba gagwe ba šupa. A o kile wa nagana mo ba bego ba le gona? Sehlabelo sela sa go tshungwa se be se ba emetše. Ba be ba bolokegile, ka Letagong, ba mo letetše ge a etla. O na le bona lehono. “Wena le ntlo ya gago le tla phološwa.” Le a bona? Bjale, Jobo o be a na le selo se tee go se dira, go ba moloki, o be a swanetše go neela moneelo wa go tshungwa.

²⁰ O ne selo setee go se dira, go ba moloki, ke, go ba le tumelo ka go Modimo. Ka gore, ka tumelo o phološitšwe, ka tumelo o fodišitšwe, ka tumelo o hwetša se sengwe le se sengwe o nago naso. Le a bona? Ke ka tumelo, gore o a e dumela. Bjale, “Dumela go Morena Jesu Kriste, gomme wena le ntlo ya gago le tla phološwa.”

²¹ Bjale, mohlomphegi, ge o na le lesea mo go rapelelwa, wena dumela, ka bowenamong. Ke mo go bea tumelo ya ka le ya gago, gomme re tla dumela, mmogo, gore Modimo o tla fodiša lesea lela.

²² Le a bona, re na le ka go rena maatla go dira seo. O na le ka go wena maatla go e dira. Mokriste yo mongwe le yo mongwe o ne maatla a go e dira. Eupša bjale ge re ka kgona fele go hwešta. . . Maatla ale a laolwa ke molao.

²³ Bjalo ka ge ka mehla ke be ke re, go swana le kgogedi ya fase e laola meetse, ka gore ke molao. Kgogedi ya fase e laola meetse.

²⁴ Letšatši, le laolwa ke—ke. . . goba lefase, go retologa ga lefase. O ka se kgone go no dira letšatši go dira selo se setee, ka gona wa re, “Ke a dumela ke nyaka go robala boteletšana gannyane. Ema lebaka la iri.” Le ka se e dire, le a bona, ka gore go molao. Ge o ka šoma go ya ka molao, gabotse, gona, se sengwe le se sengwe se tla ba gabotse. Ge o ka ya malaong ka nako, o ka kgona go tsoga ka nako. Gomme ge o . . .

²⁵ Go swana le ge re na le Letsha Superior, Letsha Ontario, Letsha Huron, le ohle Matsha Magolo godimo mo. Re na le dikete tše masome atiša ka dikete tša diakere tša mobu ntle ka Nevada, le California, le Arizona, le New Mexico, tše di nyoretšwego, meetse ao, tša naga tše di ka hlagišago le ge e ka ba eng. O ka

kgona go fepa lefase lohle, ntle kua, ge feela o be o na le meetse a, godimo mo, tlase kua. Gomme a be a ka se tshwenye ao, ka gore a fepša ke mogobe. Ge ka pela a eya ka ntle, a no tla godimo feela ka lebelela gape, ka gore kgogedi ya lefase e a swara fao. Gabotse, bjale, ge o ka kgona go šoma go ya ka molao wa kgogedi ya lefase, o ka kgona go tšea ohle Matsha Mogolo ale gomme wa nošetša naga yohle yela ntle kua, le go fepa lefase lohle, ga go yo a bego a tla swarwa ke tlala. Eupša o ka se kgone go dula mo le gore, “Ya. Ke a e bona. Nnete.” O swanetše go ya go e dira.

²⁶ Gabotse, yeo ke tsela ya go swana e lego ka molao wa Modimo. Molao wa Modimo ke tumelo. Gomme re na le tumelo mo, mosong wo, go fodiša balwetši, go dira e ka ba eng. Eupša e laolwa ke molao, gomme molao woo ke tumelo. Molao wa Modimo ke tumelo. Jesu o rile, “Selo sefe le sefe le se kganyogago, ge le rapela, ge le ka dumela le a se amogela, le ka kgona go ba le sona.” Lena le fao. Kafao, ke tumelo e e laolago, gomme tumelo e neelwa go rena ge feela re na le tlhokego ya yona. Bjale, re swanetše go . . . Modimo o file ba bangwe ba rena tumelo ye nngwe, ba bangwe tumelo ye nngwe. Ga se maatla a mangwe a magolo a ka godimo ga tlhago o nago nao. Ka gore, ge o eba Mokriste, o—o šetše o na le maatla, eupša o hlaelwa tumelo go šomiša maatla ao.

²⁷ Ka fao bjale, mosong wo, ge o etla go rapelelwa, elelwa, Beibele e boletše se. Se ke therešo. Jakobo 5:14, “Ge go ka ba mang magareng ga lena, a babja, a ba bitše bagolo ba kereke. A ba ba tlotše oli, le go rapela godimo ga bona. Thapelo ya tumelo e tla phološa molwetši, gomme Modimo o tla mo tsošetša godimo.” Ke tshepišo, ge o ka e dumela. Kagona, le a bona, phodišo e abelwa motho ka motho.

²⁸ E be e le ka matšatšing a Jesu wa Nasaretha. O be a sa kgone go fodiša batho kgahlanong le ya bona—kgahlanong le tumelo ya bonaneng. O rile, “Ke a kgona, ge o dumela. Ge o dumela gore ke kgona go dira se, nka se dira.” Ge o ka kgona go e dumela!

²⁹ Kafao, batho ba bangwe ba lahlela ma—ba lahlela maatla a phodišo ka go ba bangwe, baebangedi. Ga se seo. Maatla a phodišo a ka go wena. A ka go wena. Ba no bea koloi pele ga pere. Moebangedi ga a na le maatla a phodišo.

³⁰ Ke Moya wo Mokgethwa o nago le maatla a go fodiša, gomme o na le Moya wo Mokgethwa. Ke mohlare wo monnyane o lego wona, gomme dilo tšohle o di hlokago di ka go wena. Kafao, kagona, o no thoma go nwa go tšwa go tshepišo ya Modimo, o re, “Ke therešo. Modimo o rile O tla mphodiša. ‘Ka megogoma ya Gagwe ke fodile.’” Ke wena fao. A o tseba se o se dirago? O thoma go kgoromeletša phodišo ya gago ntle, seo ke moka. Le a bona? Gomme ka gona, ba bangwe ba kgona go bona se o nago naso.

³¹ Bjale se e lego, “Tumelo ke kholofelo ya dilo tše di holofetšwego; bohlatse bja dilo tše di sa bonwego.”

³² Nka no bea mohlare wo monnyane wola ntle. Ga ke bone diapola, eupša di ka kua gare. Mohlare wo monnyane wola o a tseba di ka kua. Kafao o no thoma go nwa, go kgorometša le go kgorometša, ka gore o tsebile, “E ka gare ga ka. Ke tla e ntšhetša ntle mo ka morago ga lebakana. Mphe nako ye nnyane. Nno mpoloka nako ye nnyane.” O no tšwelapele a enwa. “Ya, ke a tseba diapola di ka gare ga ka. Ke tla di tliša godimo, morago ga lebakana.” Gomme selo sa pele le a tseba, šedi di a tla. Mo go tla diapola, ka gore o dumetše gore di ka gare ga gagwe.

³³ Gomme ge o dumela gore maatla a Moya wo Mokgethwa a ka go wena, go go fodiša, ke wena fao. E no tšwelapele o kgorometša. Le a bona? O na le tumelo. Ga o kgone go bona dipoelo thwi go tloga. Ga o e bone.

³⁴ Bjale, bona, Jakobo o lokafaditše Abraham ka mešomo ya gagwe. Paulo o lokafaditše Abraham ka tumelo ya gagwe. Re reng gona, gare ga tše pedi? Abraham o be a bolela ka. . . ke ra, Paulo o be a bolela ka se Modimo a se bonego ka go Abraham. Gomme Jakobo o be a bolela ka se batho ba se bonego ka go Abraham. Le a bona? Bjale, le a bona?

³⁵ Kagona, Modimo o tsebile seo, pele lesea le etla, gore Abraham o bile le tumelo. Gomme Abraham o e netefaditše go Modimo, ka go dira (yena) gore lesea le be le eya go tla ge a be a sa belegiše. O be a se na le bana. Popelo ya mosadi wa gagwe e be e hwile, gomme yena o be a sa belegiše. Eupša, go le bjalo, o tsebile, “Ka mola felotsoko go be go le lesea.” Le a bona, o tšwetšepule a enwa tshepišo, a itshamile godimo ga Elshaddai ye kgolo ya Modimo, *Letswele*. Go itshama fao, a enwa, a tseba gore Modimo o be a tla e fa go yena; o tsebile gore e be e le tshepišo, gomme O be a swanetše go e dira.

³⁶ Gomme re bana ba Abraham. Kafao a re itshameng godimo ga tshepišo ya Gagwe, le go swarelela fao, ka go tseba gore Modimo o tla e dira. O boletše bjalo. Le a e dumela bjale? [Phuthego e re, “Amene.”—Mor.]

³⁷ Ka gona a nke balwetši ba dire mothalo godimo mo ka go le lengwe la mahlakore goba le lengwe, yo a nyakago go rapelelwa. Gomme ge re hwetša mogolo mo gomme a ba tlotše ka go oli, ke tla rapela godimo ga bona, gomme re tla dumela gore Modimo o tla dira yo mongwe le yo mongwe wa bona go loka. “Ge o ka kgona go dumela.”

³⁸ Teddy, o mo kae? Etna go dikologa ka go lehlakore le la letsogo la go ja. Ke mo gobotse. Gomme ke go nyaka o bapale *Dumela Feela*.

³⁹ Gomme ge ba sa tla, a re nnong go inamiša dihlogo tša rena, batheeletši bohle, gomme a re beng ka thapelong bakeng sa batho ba ba tlogo.

⁴⁰ Tate wa rena wa Magodimong, re tliša go Wena, mosong wo, Leineng la Jesu Kriste, ba ba go šokiša, balwetši, batho ba go

tlaišega ba ba lego ka go le la go šiiša, la masetlapelo leemo. Ke dumela Wena, Morena. Ke—ke a tseba gore Mantšu a Gago ke therešo. Ke therešo bjalo! A ka se kgone go palelwa, ka gore Ke Lentšu la Modimo la ka Gosafeleng la neng le neng. Wona ke maatlaohle, bjalo ka ge Modimo a le, ka gore Ke karolo ya Gagwe. “Mathomong go be go le Lentšu, gomme Lentšu le be le go Modimo, gomme Lentšu e be e le Modimo. Gomme Lentšu le bile nama gomme la dula magareng ga rena.” Bjale, re dumela leo, Morena, ka dipelo tšohle tša rena, ka soulo yohle ya rena, ka tšohle di lego ka gare ga rena. Re a le dumela.

⁴¹ Gomme ke lekile, ka ye bonolo, tsela ya go swana le ya ngwana, go e neela go batho, gore ba tla kwešiša le go tseba gore Maatla a Modimo a robetše ka gare ga bona. Ge ba ka kgona feela go ba le tumelo le go latela ditaelo tša Modimo.

⁴² Ke ka mokgwa wo ba phološitšwego. Ba tlile le go sokologa dibeng tša bona, gomme ba kolobetšwa Leineng la Jesu Kriste, go ya ka Beibele ye, Ditiro 2. Gomme nako yeo Petro o boletše, gore, “Le tla amogela neo ya Moya wo Mokgethwa.” Gomme mo E a tla, feela tlwa, ka gore Ke Lentšu la Modimo le dirwa go bonagala.

⁴³ Gabotse, bjale, selo sa go swana, Tate, re a tseba ke therešo, ge re tlotša balwetši ka oli, le go rapela godimo ga bona. “Thapelo ya tumelo e tla phološa molwetši. Modimo o tla ba tsošetša godimo.” Modimo, a nke yo mongwe le yo mongwe wa bona a tlogele aletara ye, go dikologa lefelo le mosong wo, a thabile bjalo le go hlalala, ka go tseba gore Modimo o ba fodišitše. “Sepelang, gomme le dirwe go loka.” Ka gore re ba gafela go Wena bjale, Leineng la Jesu Kriste.

⁴⁴ A nke yo mongwe le yo mongwe a fodišwe, le go swara pono, se e se rago. “Bjalo ka Abraham, o biditye dilo tseo, tše di sego gona, mo o ka rego di be di le gona.” Ga go tshwenye gore dipelo ke eng, seo ga se na le selo go dira le tumelo. Dipelo ga se selo. Tumelo e šetše e swere. “Gomme tumelo ke kholofelo ya dilo tše di holofetšwego, le bohlatse bja dilo tše di sa bonwego.” Modimo, a nke e nwelele go sobelela ka dipelong tša bona, ka gore ba hloka Wena.

⁴⁵ Ke ya bjalo ka mohlanka wa Gago wa go kokobela, go ema mo mmogo le bahlanka ba bangwe, le go rapela Modimo go bea ka dipelong tša rena bakeng sa batho ba ba go babja. Re e kgopela ka go la Jesu Leina. Amene.

⁴⁶ Yo mongwe o rile Ngwanešu Estle Beeler o be a le ka moagong. Gomme ke a dumela go ne modiredi yo mongwe mo, yo a etetšegogopele ka thapelo, mosong wo. Re rata go kgopela badiredi bohle mo, e ka ba eng ba lego, ge le ka tla godimo mo le go ema go dikologa aletara ye mo le rena, lebakana feela, gannyane, ka kgopelo, baena. Gomme banna . . . Ngwanešu Ben, ke a go leboga. E tla thwi godimo le go ema go dikologa mo, go

dikologa aletara mo, gore re kgone go ba le thapelo le batho ba, go bea diatla godimo ga bona.

47 Bjale, ge ba opela koša. Gomme badiredi ba tšea mafelo a bona mo, kafaog rena, yo mongwe le yo mongwe, o tla kgona go bea diatla godimo ga balwetši.

48 A re boneng, go tla fase go kgabaganya thaba mošola. Ke bona Monna o a tla, o be a se na le phapano ye e itšego go tšwa go monna e ka ba mang. O be a no ba Monna wa mehleng, mohuta wa mmele wo monnyane, a ke re go ohlega. Ge re Mmona a lebelela, mahlo a Gagwe fase godimo ga ti—ti tiragalo e direga tlase ka moeding. E be e le baapostola ba Gagwe. Ba bile le mošemane tlase kua, yo a bego a na le go hwa dihwahwa, gomme ntle le pelaelo eupša se ba bego ba se bolela, “Mo fodiše, Morena! Mo fodiše!

49 Eupša, le a bona, go no re, “Mo fodiše, Morena, mo fodiše,” go ka se e dire. Seo se no se ke sa e dira. Go swanetše go ba se sengwe ka morago ga seo, “Mo fodiše, Morena, mo fodiše.” Le a bona? Gomme ye nka le dira go dumela seo, le go dumela seo ka pelo ya gago yohle, o ya go fodišwa, ge nka go dira kgonthe go bona pono.

50 Bjale lebelelang, baapostola bale ba eme fale, mohlomongwe ba mo šišinya, mohlomongwe ba kgorometša thatathata. “E dumele, ngwanešu! E dumele! Haleluya! E dumele! Mo fodiše, Morena! Mo fodiše!” Eupša diabolo o dutše thwi fao, ka gore ga se a hwetša tumelo ya go lekanela fao go mo dira a tloge.

51 Eupša mo go tla yo Motee tlase go kgabaganya thaba. Gomme ka pela ge diabolo yola a lemogile gore e be e le phapano ye nnyane go tloga go banna ba bangwe. . . Le a bona?

52 Bjale, woo ke mohuta wa banna re nyakago go ba mmogo kua, go swana le Morena wa rena Jesu. Ya. E sego feela go tlela pontšho, eupša go tla, go rata Modimo wa rena, go tseba gore re romilwe go ya go dira se. Ye ke thomo ya rena.

53 Ka gona, ge A sepeletše godimo go tate. Ke nagana ke mo pina ye e ngwadilwego go tšwa gona, e hlamilwe ka Lentšu. O rile, “Morena, eba le kgaogelo go morwa wa ka, ka gore o tlaišwa gampe ke diabolo.” O rile, “O mo lahlela ka mollong, le go lahlegelwa ka kgopolo, le go ya pele.” O rile, “Ke mo tlišitše go barutiwa ba Gago, eupša ga se ba kgona go mo fodiša. Eupša ke—ke—ke gopotše. . .”

54 O rile, “Nka kgona, ge o ka dumela. Bjale, Ke na le Maatla ka go Nna,” O rile, “go e dira, ge o ka kgona go dumela seo.”

55 A Modimo a ka dumelela batho bale ba feditšwego ke kankere ba ba dutšego mo mosong, ba ba feditšwego, ba feleditšwe malaong ke kankere, le leukimia, bolwetši, tlaišego, a Modimo a ka ba fodiša gomme a feta kgauswi le wena? Ga go

bjalo. Aowa. Le a bona? Bjale, Yena ga a palelwe. “Nka kgona, ge o dumela.” A O boletše eng?

Ka gore dilo tšohle di a kgonega, feela . . .

Bjale, Ngwanešu Tyler, tlaa godimo . . . ? . . .

Bjale e no dumela feela, dumela feela,

⁵⁶ Bjale, ge ke rapela, ke le nyaka le bee diatla godimo ga batho. E ka ba eng ba e hlokago, . . . ? . . . gomme eyang thwi go theoga mothaladi.

⁵⁷ Ngwanešu Neville, wena tlotša ka oli, gomme baena . . . ? . . .

⁵⁸ Ke nyaka yo mongwe le yo mongwe, ka go batheeletši, ka dihlogo tša lena di inamišitšwe bjale. Yo mongwe le yo mongwe go teba ka thapelong.

Feela . . .

⁵⁹ Morena, eba le kgaogelo, ke a rapela, gomme fodiša batho ba, ka Leina la Jesu Kriste. Amene.

Ka Leina la Jesu wa Nasaretha . . . ? . . .

⁶⁰ [Ngwanešu Branham le badiredi ba rapela le go bea diatla godimo ga balwetši, ge Ngwanešu Neville a ba tlotša ka oli. Ga go selo godimo ga theipi—Mor.]

⁶¹ Bontši kudu, go bapela mothalading, ba ba bogetše, go bona phetogo ya bona ya ka fao ba bego ba le, go bona ka fao ba fetogago go tiro. Le a bona? Go na le selo se se bjalo ka tiro, ba phagamile le go tla pele. Selo se sengwe, ke kafao ba fetogago go tiro yela ba e dirilego. Morago ga ge ba tlile lefelong go dumela, gore, ge ba rapelelwa, ba tla fodišwa, gona hlokomelang go fetoga ga tiro ya bona.

⁶² Bjale, modiša wa rena o na le molaetša wo mobotse go rena, ke na le nnete, mosong wo.

⁶³ Selo se tee ke nyakago go swaya ka sona nakwana feela, e bile mosetsana wa Katoliki a emego mola go bapa le aletara. Matšatši a se makae o be a le ka ntlong ya ka, yena le monna wa gagwe. Gomme ke tsebile monna wa gagwe lebaka le le itšego. Gomme—gomme go be go le se sengwe ka sona ge re be re dutše ka go poledišanonyakišišo ya sephiri.

⁶⁴ Fao ke mo re bilego le pono. Fao ke mo re . . . Ke be ke fela ke eba le yona ka kerekeng, eupša go no tšea moso, le go ya pele. Gomme kafao e be e le ka kua.

⁶⁵ Ga se ka ke ka bolela selo, ka gore yena ka go ba mosetsana, selo se sengwe, ka mehla o godišitšwe ka go kereke ya Katoliki, le go ya pele. Eupša o ile a ya go bolela le mmagwe. Gomme nako yeo, ke bone pono ya mmagwe. Ke mmoditše se bothata bja mmagwe e bego e le bjona, le go mo hlatholla, le ka fao mmagwe a bego a lebega. Nnete, o be a le moahlodi wa seo, ge eba e be e le therešo goba aowa. Ga se ka ke ka bona mmagwe, ka bophelong bja ka. O tseba seo.

66 Gomme mosetsana, mosong wo, o tllile aletareng mo le go ema, go dira boipolelo, le go amogela Kriste bjalo ka Mophološi wa gagwe. O dirile seo aletareng, mosong wo.

67 Ngwanešu Neville, ka go se tsebe, o mo tloditše ka oli. Ka fao—ka fao Modimo a šomago! O mo tloditše ka oli, ya balwetši. Eupša hlokomelang mosepelo wa Moya wo Mokgethwa. Bjale, ka gore o tloditšwe, kgonthe a sa babje, eupša o tloditšwe. Le bona ka fao e dirago se sengwe le se sengwe go šoma gabotse? O eme bjalo ka Mokriste bjale, morago ga ge a bile se re dumelago go ba Mokriste. Bjale, o rile, “A o ka rapelela mme wa ka? O a babja.” Yoo ke wa go swana. Kafao oli ya go tlotša e be e šomišwa peleng. Ke gopotše, go maleba bjang, seo, go bona, yo mongwe a nno phološwa. Kriste o emetše bohle ba rena. O emela bohle. Gomme ka pela ge mosetsana yo a eba Mokriste, nako ye o nyaka go emela yo mongwe, le yena, go laetša gore Moya wa Kriste o tla ka go rena ge ka kgonthe re phološitšwe. Bjale, seo ka kgonthe ke se sekaone. Ka—ka nnete ke leboga seo, moya wo mokaone wola wa Bokriste wa go dumela. Bjale, e nong go elelwa.

68 Bjale, go mohumagadi yo moswa yo, o mo felotsoko, gomme go mohumagadi yo mongwe wa Katoliki a tllilego kgauswi. Ke rata go bolela mantšu a, pele ke retollela tirelo go modiša wa rena, le a bona, ke se. [Ngwanešu Neville o rile, “Amené.”—Mor.]

69 Bjale, kereke ya Katoliki nako ye nngwe e be e le bjalo ka kereke ye. Ge o ka ya morago le go bala Beibele, ye re e dumelago, o tla tseba gore Kereke ya Katoliki e be e le Kereke ya mathomo. Yeo ke therešo. Eupša e tlogile go ya kgole go Dithuto tša Yona. Ye e be e le thuto ya kereke ya Katoliki. Eupša, le a bona, ba na le dipuku tše makgolotshela le metšo tšeo bomopapa le go ya pele ba di ngwadilego, tšeo e no go go ba tše kgethwa go bona bjalo ka Beibele ye.

70 Kafao, le a bona, se se e lego sona, ga se o fetoge. Se o se dirilego, o nno sokologa. Le a bona? Bjale ge o tšea. . . Nnete, ke a thanka mohlomongwe ba bangwe ba lena, bona bobedi, mosong wo, e be e le basadi. Go ka no ba go le banna ba Katoliki ba dutše mo.

71 Ge le ka ya morago go histori ya kereke, ge le ka botšiša moprista wa lena, “Tiro ya baapostola ba ba ka Beibeleng mo, e be e le gore tsela ye. . . A e be e le Makatoliki a pelepele?” O tla re, “Ee.” Gomme yeo ke therešo. Ba be ba le. Bjale, bona, lebelela ke mohuta mang wa bodumedi ba bilego nabjo. Ba kopane ka go le lennyane, lefelo le bonolo. Ga se ba ke ba re, “Dumelang boMaria” goba “Botate ba rena.” Seo ke setšo sa kereke. Ba boletše eng? Ba tumišitše Modimo. Ba goleditše. Ba llile.

72 Lebelelang mo ka go Ditiro 2, ge Moapostola yo mokgethwa Petro, le Jakobo, le Johane, le bohle ba be ba le mmogo. Beibele e rile ba boletše ka maleme. Gomme ba goleditše, gomme le go dira bjalo—bjalo go tlatšwa ka Moya go fihla ba dira mo o ka rego

ba be ba tagilwe, gomme ebile go fihla lefase la ntle le botšiša, “A bohle ba ga se ba tagwa?”

⁷³ Gomme nako yeo Petro, moapostola, yo mokgethwa Mokgethwa Petro, ge a eme godimo, gomme o rile, “Banna le baena, banna ba ga se ba tagwa, eupša ba tladišwe ka Moya,” bjalo ka ge—bjalo ka ge Beibele e boletše gore ba be ba le. Bjale, yeo e be e le kereke ya pele ya Katoliki, go ya ka thuto ya bona.

⁷⁴ Bjale, le a bona, ka morago ga e ka ba mengwaga ye makgolo a mabedi, ba maemo ba thoma go tsena ka kerekeng. Ka gona ba dirile eng? Ba dirile mokgatlo wa bona wa mathomo ka go Khantshele Nicene, A.D. 606. Ba dirile ya bona . . . Ge Khantshele ya Nicene e be e swaretšwe Nicaea, Roma, ba thoma go tliša bahlomphegi bohle ba bagolo ka gare, gomme ba no *bopa* kereke, le go *dira* kereke.

⁷⁵ Ka morago ga fao, e kgaogane makga a mane goba a mahlano. Ba ile—ba ile go tloga fao, go ya go pišopo; go tloga go pišopo, go ya go mopapa. Gomme go tloga fao, moo go tliile Greek Orthodox le tše dingwe tša go fapana, go fihla di no kgaogana, go fihla mo ba lego lehono. E no ba ka mehuta yohle ya go arogana godimo.

⁷⁶ Eupša se re lekago go se dira, mogwera wa ka wa Katoliki, le a bona, re makatoliki, le rena. Re a pelepele, makatoliki a mathomong. Gomme kereke ye ba re bitšago yona bjale, kudukudu, re bitšwa bjalo ka mapentecostal, ka gore re dumela ka go tšhegofatšo ya pentecostal.

⁷⁷ Fao ke mo kereke ya Katoliki ya go dirwa mokgatlo. Gomme ka go mekgatlo ya rena ya Pentecost, lehono, ge—ge lefase le le ka ema mengwaga ye lekgolo boteletšana, mokgatlo wo wa Pentecostal o tla ba wa go itlhopha go feta ka fao kereke ya Katoliki ya Roma e lego lehono. O no ya kgolekgole go feta, tsela ya go swana. Gomme ge ba kgatlofatša, ba dira lotše go tšwa go wona. Gomme ba no ba lotše, le maloko, le disoulo tše di sego tša sokologa.

⁷⁸ Go ba ka ba bohlokwa, banešu baratwa le dikgaetšedi, go lena bohle. Bjalo ka mohlanka wa Modimo, ga se ka ke ka bolela se pele, ka lefaseng, ka go kereke ye, ga se ka ke ka bolela. Eupša bjalo ka moprofeta wa Morena, ke re go lena, “Se ke Seetša. Lena sepelang ka go Sona.” [Phuthego e a hlalala le gore, “Amene.”—Mor.]



TUMELO NST61-0813
(Faith)

Molaetša wo ka Ngwanešu William Marrion Branham, setlogong o abilwe ka Seisimane ka Lamorena mosong, Agostose 13, 1961, ka Tabaranekeleng ya Branham ka Jeffersonville, Indiana, U.S.A., o tšerwe go tšwa go theipi ya go gatišwa ya maknete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2018 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org